



Glygge-Zyttig vo de
JOKER WAGGIS

Usgoob 3 - im Jänner 2013

Events

Waage-Yyweihig
2013

SYTTE 3



Unter der Lupe

Der Patrick

SYTTE 2



Der Waagebau 2013:

Vo der Grundierig bis zem Fyynschliff!

Jeede ka sich wool dängge, dass e Waggiswaage nit an aim Daag baut wird! Aber was alles derhinter steggt, ka sich e Mängge kuum vorstelle. Was bruucht's, dermit bis zur Fasnacht jeedes Joor e neu gstatete Waage parat stoot? D'JOKER WAGGIS zaige anhand vom aggtuelle Sujet, wie e Waage entstoot - vo der Grundierig bis zem Fyynschliff.

Dää Titel trifft aigentlich au nit ganz zue, denn bevor miir mit Baue starte kenne, findet allewyyl unsere sog. Garage-Daag statt. Aimol im Joor wird unseri Garage wieder uff Vordermaa brocht. Altlaschte wääre entsoort und alles putzt, dermit miir gnueg Platz zem Schaffe hän. So isch es au im vergangene Summer gsi.

Ab Auguscht 2012 het sich denn alles um e Waagebau draht. Bi dääne summerige Temperature isch s'Grundliere nadyrlig e aifachi Sach und an aim Daag erledigt gsi.



Grundiere: Der Patrick macht sich lang

Nach em Grundiere isch denn der aigentligi Waagebau uff em Programm gstande. Zerscht hän miir miesse abglääre, wie der Waage fir d'Fasnacht 2013 usgsee

soll. Passend zem Sujet, hän miir e Art Baustell- oder Woonwaage welle baue. Drum hän d'Längssytle vom frisch grundierti Waage mit Täfer iiberdeggt wääre miesse.



Was in der Theorie aifach deent het, isch in der Praxis e gnifligi Sach gsi. Doo der ooberi Uffbau vo unserem Waage unterdailt und abnäambar het miesse bliibe, hän miir meermols neu miesse aasetze.

WYTER SYTTE 2



Exaggt Schaffe: Der Galli macht's vor

Wettbewäärb ...

Wie in de erschte zwai Usgoobe, git's au diesmol ebbis z'gwinne.

Im Joor 1997 sin miir JOKER WAGGIS zem erschte Mol an der Fasnacht aazdräffe gsi. Und im Joor 2006 hän miir denn bereits

unser erschts Jubiläum deerfe fyre: Die zäänti Fasnacht.


Wäär weiss, wie unser Sujet im Joor 2006 ghaisse het, ka e aggtuelli silbrigi Fasnachts-Blaggedde gwinne. Hilf und Tipps findet me au uff unserer neu gstatete Homepage. Antworte bitte bis 01. Hoornig 2013 an: redaggzioon@joker-waggis.ch



FORTSETZIG


Es het also seer genau gschaftt wäärde miesse, dermit die ainzelne Elemänt yywandfrei zämme passt hän. Dangg em rächtzyttige Start vom Waagebau hän miir uns aber fir aimol scheen Zyt kenne loo.

E zwaiti Geduldsarbet isch die neuu Dachkonstruggzioon gsi. Scho fir d'Fasnacht 2012 hän miir mit Wäll-Bitume e abnäamars Flachdach baut gha. Leider isch das nit wirglic dicht gsi und s'Wasser wär z'wenig abgloffe. Das Dach het drum uff die kommendi Fasnacht nomol miesse iiberdänggt wäärde.



S'neue Dachdail mit syttligem Abfluss

So hän miir also neu e Spitzdach gmacht, in der Hoffnig, dass s'Wasser syttlig ablauffe wird. Zuesätzlich hän miir die alte Wäll-Butume duur Diggeri ersetzt.



Der Busi lost d'Fungge spritze

Dermit d'Zueschauer am Cortège bi allfälligem Rääge denn nit fascht vom Stroosseränd wäggschwemmt wäärde, hän miir neu sogar no Dachkänel montiert, wo s'Wasser

suuber ableite solle.

Nach all dääne baulige Aarbete, het denn ändlig unserem Mooler syy Stund gschlaage.

D'Vorder- und Ruggsytte hän miir nämlic us Zytgrind nit no täferet, sondern im gliiche Faarbtou gmoolt. Und au der unterschti Dail vom Waage isch gmoolt worde.



Schliesslig het no der moolerischi und bauligi Fyynschliff statt gfunde. Alles in allem isch der Waage sicher glunge - s'Ergäabnis ka me denn am Cortège bestuune ...

Unter der Lupe: Der Patrick

In dääre Rubrik wird allewyyl ai JOKER genauer voorgstellt. Diesmol nämme miir der PATRICK - s'ainzig verbliebene Grindigs-Mitgliid - unter d'Lupe:

72stunde: Wie alt bisch Du?

Patrick: Schyyns 33, ka das aber nit genau sage, an die erschte Joor mag ich mii nimme guet erinnere.

72stunde: Wo bisch Du dihaim?

Patrick: In Muttenz, grad hinter der gliichnamige Beggerei.

72stunde: Was machsch brueflig?

Bi als Fottigraf und Grafiker für Lunchgate däätig.

72stunde: Was machsch Du in Diiner Freizyt?

Patrick: Nääbe der Fasnacht isch sicherlig s'Defffaare e gliebts Hobby vo mir. Grad letschte Summer bi ich mit em Brueder uff Defttour nach Tallinn an FCB-Match.

Apropos, der FCB isch nadyrlig au e wichtigs Thema ...

72stunde: Wie isch's zur Grindig vo de JOKER WAGGIS ko?

Patrick: S'isch e Daag im Oggtober 1996 gsi – me glaubt's kuum, aber bis deert aane bi ich fir ebbe zää Joor uff de Schyy gstande, statt an der Fasnacht z'syy.

Miir hän denn aber im Joor 1997 nit in d' Schyyferie kenne go, was am bsaitte Oggtoberdaag uuse ko isch.

Do ha ich kurzerhand zwai Kollege gfroogt, eb sie nit au Luscht hätte, Fasnacht z'mache.

Jää, so het denn s'aint s'andere ergäa und in Rekordzyt hän miir alles organisiert.



72stunde: Duu bisch Oobmaa bi de JOKER WAGGIS - weeles isch Diini wyteri Funggzioon?

Patrick: Vor allem Organisatorischi, wie z.B. Bstellige fir d'Fasnacht. Au fir s'Goschdyym und d'Laarve bi ich zueständig. Sicherlig der gwichtigscht Punggt isch aber s' Väarslibrinzle. D'JOKER WAGGIS

hän immer e rächt uffwändige Zeedel, wo ich allewyyl e mänggi Stund inveschtier, bis er in miine Auge perfäggt isch.

72stunde: Weeles isch Dii scheenschti Fasnacht gsi mit de JOKER WAGGIS?

Patrick: S'isch nie aifach, sich uff e "scheenschti" oder "beschti" fescht z'leege. Die längscht isch glaar – s 2002, do isch d Fasnacht 72:01:10 gange – hän si doch 70 Sekunde z'frie s'Liecht glescht. Das isch mässbar, aber die scheenschti Fasnacht ... schwierig z'saage.

Aimol het s'Wätter grandios basst, aimol isch der Zämmehalt in der Glygge super gsi, und aimol isch s'Sujet e Wucht gsi – wie wäagt me das gegenenand ab?!

Sicherlig isch s'Myggeli im Joor 2010 ganz e tolli Fasnacht gsi. Au im 2011 mit em S.H.I.T. isch e tolls Erläabnis gsi, wo mer alli mit Goschdyym und Laarve unterwäggs gsi sin. Erwäänenswärt au s'Joor 2012 mit ere hammermässige Laarve, aini vo de scheenschte wo miir bis jetz gha hän.

72stunde: Het's au negativi Erläabnis gää in dääre Zyt mit de JOKER WAGGIS?

Patrick: S'wär wool glooge, wenn me sait, es gäb nit Negativs. Ich dängg um d'Joor 2007 bis 2008 sin

FORTSETZIG

d'JOKER WAGGIS rächt gnapp am Supergau verby, hän sich deert doch ainigi wichtigi Lyt e Usdritt überleegt – wüsst nit, eb das d'Glygge iiberlääbt hätt. E laidigs Thema isch au immer s'fäälende Engagement vo gwisse Mitgליieder.

Das isch aber nit nur e Brobleem vo de JOKER WAGGIS, sondern ebbis wo me in jeedem Verain findet.

72stunde: Was sin Diini Wunsch fir d'Zukunft bi de JOKER WAGGIS?

Es isch so e bitz mii Uffassig vo der Basler Fasnacht, dass me e Laarve

uff em Kopf het. Ich ha seer scheeni Erlääbnis gha, wo miir alli zämme am Oobe intrigierend unterwäggs gsi sin, das het mii seer gfreut. Ich wüsch miir, dass miir am Oobe je nach Sujet no der aint oder ander Umgang alli zämme duur d'Gasse oder d'Baize zie kennte ...

S'Fasnachts-Programm 2013 vo de JOKER WAGGIS

Vor der Fasnacht 2012 isch zem allererste Mol unser Fasnachts-Programm erschyne. Doo dermit hän unseri Frinde und Passiv-

Mitgליieder ändlig d'Meeglikait gha, uns an der Fasnacht aazdräffe. Fir d'Fasnacht 2013 isch neu no der Fasnachts-Zyschtig uffgiert - au

wenn dää eenter spontan ablaufft. Generell sin alli Zytt ooni Gwäär - und au unseri obligati Verspeetig isch noonig beruggsichtigt worde ...

Fasnachts-Mäntig

13:30 Uhr

Start am Wettstaiplatz (33)

14:30 Uhr

1. Pause am Claraplatz (7)

15:00 Uhr

Wyter goot s ...

15:45 Uhr

2. Pause in der Gärbergass (87)

16:15 Uhr

Wyter goot s ...

17:00 Uhr

3. Pause bim Banggverain (67)

17:15 Uhr

Wyter goot s ...

17:45 Uhr


Waageleere am Wettstaiplatz (33)

18:30 Uhr

Waage versoorge

22:30 Uhr

d'JOKER WAGGIS uff der Gass



Fasnachts-Zyschtig

14:30 Uhr

Start am Banggverain

18:30 Uhr

Nachtässe am Rümelinsplatz

20:00 Uhr

Ustusch Binggis- / Bar-Wäägeli

21:00 Uhr

Birsig-Sinfonie bi der Draischiibe

23:30 Uhr

d'JOKER WAGGIS uff der Gass

Fasnachts-Mittwuch

13:30 Uhr

Start am Wettstaiplatz (40)

14:15 Uhr

1. Pause bim Banggverain (62)

14:30 Uhr

Wyter goot s ...

15:00 Uhr

2. Pause in der Freye Strooss (68)

15:30 Uhr

Wyter goot s ...

16:15 Uhr

3. Pause in der Utegass (4)

16:45 Uhr

Wyter goot s ...

17:15 Uhr

Waageleere am Wettstaiplatz (33)

18:30 Uhr

Waage versoorge

22:30 Uhr

d'JOKER WAGGIS uff der Gass

04:00 Uhr

d'JOKER WAGGIS am Ändstraich

Waage-Yyweihig 2013

In däm Joor organisiere miir JOKER WAGGIS zem erschte Mol e richtigi Waage-Yyweihig. Am Samschtig, 16. Hoornig 2013 ab 16:00 Uhr ka me mit uns an der Gartestrooss in Birsfælde uff e Waage 2013 aastosse.



Fasnachts-Apero 2013

Und wyter goot's ... denn am Fasnachts-Mäntig, 18. Hoornig 2013 kenne unseri Familie, Frinde, Bekannte und Passiv-Mitgליieder grad nomol mit uns aastosse. Ab 12:30 Uhr mitte uff em Wettstaiplatz.